



REPUBLIKA E SHQIPËRISË

**ENTI RREGULLATOR I ENERGJISË
BORDI**

VENDIM

Nr.207, Datë 18.12.2017

**PËR
MIRATIMIN E RREGULLORES “PËR CILËSINË E FURNIZIMIT DHE
PERFORMANCËN E SIGURISË SË RRJETIT NË SISTEMIN E TRANSMETIMIT TË
ENERGJISË ELEKTRIKE”**

Në mbështetje të nenit 7, pika 1; neni 16; neni 19, gërma “h” dhe “j” të Ligjit nr. 43/2015 “Për Sektorin e Energjisë Elektrike” si dhe neni 26 të “Rregullores për Organizimin, Furnksionimin dhe Procedurat e ERE-s”, miratuar me Vendimin e Bordit të ERE, nr. 96, datë 17.06.2016, Bordi i Entit Rregullator të Energjisë (ERE), në mbledhjen e tij të datës 18.12.2017, pasi shqyrtoi relacionin e “Rregullores së cilësisë së furnizimit dhe performancës së sigurisë së rrjetit në sistemin e transmetimit të energjisë elektrike” të përgatitur nga Drejtoritë Teknike,

Konstatoi se:

1. Me Vendimin nr. 5, datë 27.01.2016, Bordi i ERE-s vendosi: “Fillimin e procedurës për shqyrtimin dhe miratimin e rregullave të cilësisë së furnizimit dhe performacës së sigurisë së rrjetit të transmetimit”.
2. Me shkresën nr.132 Prot, datë 04.02.2016, ERE u ka dërguar të gjitha palëve të treta dhe grupeve të interesit, draftin e “Rregullores për cilësinë e furnizimit dhe performancën e sigurisë së rrjetit në sistemin e transmetimit të energjisë elektrike” për opinion.
3. Me shkresën me nr.716 Prot. i ERE, datë 07.10.2016, kanë ardhur komente nga USAID mbi draftin e “Rregullores për cilësinë e furnizimit dhe performancën e sigurisë së rrjetit në sistemin e transmetimit të energjisë elektrike”, duke propozuar vendosjen e një periudhe tranzitore lidhur me përmbushjen e këtyre detyrimeve, në kuadër të ristrukturimit të sektorit të energjisë elektrike dhe implementimit të Modelit të Ri të Tregut.
4. Në shkresën e saj me nr. 775/1 Prot i ERE, datë 18.11.2016, OST ka paraqitur komentet e saj, lidhur me draftin e “Rregullores për cilësinë e furnizimit dhe performancën e sigurisë së rrjetit të transmetimit të energjisë elektrike”.

së rrjetit në sistemin e transmetimit të energjisë elektrike”, të cilat janë shqyrtuar dhe reflektuar ndryshimet e nevojshme.

5. Me shkresën nr. 653 Prot, datë 04.10.2017, i është dërguar shoqërisë “OST” sh.a, edhe njëherë drafti i “Rregullores për cilësinë e furnizimit dhe performancën e sigurisë së rrjetit në sistemin e transmetimit të energjisë elektrike”, me të gjithë ndryshimet e reflektuara si pasojë e propozimeve të ardhura.
6. Në përgjigje të shkresës nr. 653 Prot, datë 04.10.2017, shoqëria “OST” sh.a. me shkresën nr. 5315/1 Prot, datë 10.10.2017, ka paraqitur disa komente të tjera për draftin, të cilat janë shqyrtuar dhe reflektuar ndryshimet e nevojshme.

Për gjithë sa më sipër cituar, Bordi i ERE-s,

Vendosi:

1. Të miratojë Rregulloren “Për cilësinë e furnizimit dhe performancën e sigurisë së rrjetit në sistemin e transmetimit të energjisë elektrike”.(Bashkëlidhur)
2. Drejtoria Juridike dhe e Mbrojtjes së Konsumatorit, të njoftojë shoqërinë “OST“ sh.a. dhe gjithë palët e interesuara për Vendimin e Bordit të ERE-s.

Ky vendim hyn në fuqi menjëherë

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETARI
Petrit AHMETI

https://ere.gov.al/doc/Rregullore_per_cilesine_e_furnizimit_dhe_performancen_e_sigurise_se_rrjetit_ne_sistemin_e_transmetimit_te_energjise_elektrike OST_vendim_2017_dt_18.12.2017.pdf